

פרק לח

א מִזְמוֹר לְדָוִד לְהַזְכִּיר: ב ד' אֶל-בְּקֶצֶף תּוֹכִיחַנִי וּבְחַמְתֶּךָ
תִּיַסְרֵנִי: ג כִּי-חָצִיךְ נַחְתוּ-בִי וּתְנַחַת עָלַי יָדְךָ: ד אֵין-מָתֵם
בְּבִשְׂרֵי מִפְּנֵי זַעֲמֶךָ אֵין-שְׁלוֹם בְּעַצְמֵי מִפְּנֵי חֲטָאתִי:
ה כִּי-עֹונֹתַי עָבְרוּ רֵאשִׁי כְּמִשְׂא כָבֵד יִכְבְּדוּ מִמֶּנִּי: ו הִבְאִישׁוּ
נִמְקוּ חִבּוּרְתֵי מִפְּנֵי אֲוֹלָתִי: ז נַעֲוִיתִי שַׁחְתִּי עַד-מָאֵד
כָּל-הַיּוֹם קָדַר הִלַּכְתִּי: ח כִּי-כִסְלִי מָלְאוּ נִקְלָה וְאֵין מָתֵם
בְּבִשְׂרֵי: ט נְפּוּגְתִי וְנִדְכִיתִי עַד-מָאֵד שְׂאֲגֹתִי מִנְהַמַּת לִבִּי:
י אֲדַנְּי נִגְדָךְ כָּל-תַּאֲוֹתַי וְאֲנַחְתִּי מִמֶּךָ לֹא-נִסְתַּרְהָ: יא לְבִי
סָחַרְחַר עֲזָבֵנִי כַחֵי וְאוֹר עֵינַי גַּם-הֵם אֵין אִתִּי: יב אֲהִבִּי |
וְרַעֲי מִנְגֵד נִגְעֵי יַעֲמְדוּ וְקִרְוֵי מִרְחַק עֲמְדוּ: יג וַיִּנְקְשׁוּ |
מִבְּקֶשֶׁי נַפְשִׁי וְדַרְשֵׁי רַעְתִּי דַבְּרוּ הַיּוֹת וּמְרָמוֹת כָּל-הַיּוֹם
יִהְיוּ: יד וְאֲנִי כְחֹרֵשׁ לֹא אֶשְׁמַע וְכֹאֲלִים לֹא יִפְתַּח-פִּי:
טו וְאֵהִי כְּאִישׁ אֲשֶׁר לֹא-שָׁמַע וְאֵין בְּפִי תוֹכְחוֹת:
טז כִּי-לֶךְ ד' הוֹחַלְתִּי אֶתְּהָ תַעֲנֶה אֲדַנְּי אֶלְקִי:
יז כִּי-אֶמְרֹתִי פֶן-יִשְׁמְחוּ-לִי בְמוֹט רַגְלִי עָלַי הִגְדִּילוּ:
יח כִּי-אֲנִי לְצַלַּע נָכוֹן וּמִכְאוּבֵי נִגְדִי תִמְיֵד: יט כִּי-עֹונֵי אֲנִיד
אֲדַאֲג מִחֲטָאתִי: כ וְאֵיבֵי חַיִּים עֲצָמוּ וְרַבּוּ שְׁנֵאֵי שָׁקֵר:
כא וּמִשְׁלָמֵי רַעָה תַחַת טוֹבָה יִשְׁטַנוּנִי תַחַת רָדוּפִי [רָדְפִי]
טוֹב: כב אֶל-תַּעֲזָבֵנִי ד' אֶלְקִי אֶל-תִּרְחַק מִמֶּנִּי: כג חוֹשָׁה
לְעִזְרֹתִי אֲדַנְּי תִשׁוּעָתִי: